

KJKP „RAD“ d.o.o. Sarajevo, ul. Paromlinska 57, Sarajevo (u daljem tekstu „Naručilac“), koga zastupa V.d. direktorica Vera Arnautović, dipl.pravnik.

Broj rješenja: UF/I-889/01  
Porezni broj : 01700105  
Identifikacioni broj : 200316890001  
Transakcijski račun broj: 338-900-22080776-49 UniCredit banka d.d. Sarajevo

i

Agencija za tehničku i fizičku zaštitu „MIDDLE POINT ELECTRONICS“ d.o.o. Sarajevo, ul.Džemala Bijedića 35, 71000 Sarajevo (u daljem tekstu: „Izvršilac“), koga zastupa direktor Veledar Maida.

Broj rješenja: 65-01-1502-09  
Identifikacioni broj : 4201204440000  
PDV broj: 201204440000  
Transakcijski račun broj: 1541602004600775 Intesa Sanpaolo Banka d.d.

zaključili su:

## **U G O V O R**

o javnoj nabavci usluga elektronske zaštite objektima preduzeća

### **PREDMET UGOVORA**

#### Član 1.

Predmet ovog Ugovora je usluge elektronske zaštite na objektima preduzeća Naplatna služba Pofalići sa sjedištem u Sarajevu ul. Hamdije Čemerlića br. 25 Sarajevo i radnoj jedinici Ilijaš, u skladu sa ponudom Izvršioca broj: 33/19.

### **OBAVEZE UGOVORNIH STRANA**

#### Član 2.

Izvršilac usluga se temeljem ovog ugovora obavezuje:

- da pruža usluge tehničke zaštite objekta neposrednim poduzimanjem zakonom dopuštenih mjera i radnji radi sprječavanja i otkrivanja štetnih pojava i propupravnih radnji koje mogu nanijeti štete imovini, odnosno ugroziti život lica koje se štite
- da preduzima mjere i radnje iz tehničke zaštite sredstvima i neophodnom opremom
- da predmetne objekte uveže na svoj centar za alarm i tehnički nadzor
- da će na svom centru pratiti stanje u objektu od momenta uključenja protuprovalnog sistema zaštite i registrovati svaku dojavnu promjenu
- da će u cilju preventivnog djelovanja, interventna ekipa po potrebi, obilaziti objekte
- da će u slučaju provale, objekat štititi sve do dolaska uposlenih radnika, policije ili stručnih uvidajnih ekipa i drugih odgovornih radnika, a sve do završetka policijskih i drugih radnji, te o tome sačinjava zapisnika
- da će u slučaju elementarnih nepogoda ili u slučaju izbijanja požara odmah obavjestiti nadležne službe i vatrogasnu jedinicu

- da će korisniku usluga po potrebi, a najmanje jedanput mjesečno dostavljati izvještaj nadzornog centra o preduzetim mjerama i radnjama na zaštiti objekta, kao i kontrole radnog vremena ukoliko postoji kartični sistem kontrole dolaska i odlaska na posao, te predlagati preduzimanje eventualnih konkretnih mjera u cilju unapređenja ukupnih mjera zaštite imovine i lica korisnika usluga
- da će korisniku usluga, odnosno odgovornom licu dostaviti konkretna pismena uputstva o načinu korištenja sistema elektronske zaštite

### Član 3.

Naručilac usluga se temeljem ovog ugovora obavezuje:

- omogućiti nesmetan uvid u stanje elektronskog sistema ugrađenog na objekt stručnom ljudstvu Agencije „Middle point“ ELECTRONICS d.o.o. Sarajevo
- da se pridržava datih uputstava o korištenju sistema elektronske zaštite
- da odredi i ovlasti osobe koje mogu koristiti šifru za uključanje i isključenje instaliranog sistema elektronske zaštite i o tome upozna pružaoca usluga
- odredi ovlaštenu osobu kao kordinatora između korisnika usluga i pružaoca usluga

### Član 4.

Izvršilac usluga se ne smatra odgovornim za eventualno nastalu štetu u elektronski zaštićenim prostorima ukoliko je:

- korisnik usluga dao šifru za isključenje-uključanje sistema neovlaštenim osobama
- korisnik usluge ostavio nezaključane elektronski zaštićene prostore ili nije uključio sisteme zaštite, a prethodno je upozoren iz centra
- došlo do provale u prostorijama gdje korisnik nije želio zaštitu
- ako korisnik vrijednosnu robu (novac, zlato, dokumentaciju i dr.), shodno zakonskim i osiguravajućim propisima nije obezbjedio odgovarajućim sefom

## **CIJENA i NAČIN PLAĆANJA**

### Član 5.

Izvršilac se obavezuje da će Naručiocu usluge iz predmeta Ugovora vršiti po cijenama iz Ponude broj: 33/19.

Očekivana vrijednost Ugovora na godišnjem nivou iznosi: 3.600,00 KM bez uključenog PDV-a.

### Član 6.

Izvršilac će na osnovu narudžbenice koja je ovjerena od strane ovlaštenog predstavnika Naručioca ispostaviti fakturu.

Naručilac se obavezuje da će plaćanje izvršiti u roku od 30 dana od dana izdavanja fakture na transakcijski račun Izvršioca.

### Član 7.

Izvršilac usluga se obavezuje da će nakon ugradnje opreme, izvršiti prvi servis i programiranje instaliranog sistema tehničke zaštite, te kontinuirano obezbjediti isporuku rezervnih dijelova u ugovorenom roku.

Troškovi ovih usluga su uključeni u cijenu paušala u skladu sa ovim ugovorom.

Obezbjeden je dugoročni servis u servisu Middle point-a, u skladu sa ponudom broj: 33/19.

## **UGOVORNE KAZNE I NAKNADA ŠTETE**

### **Član 8.**

U slučaju kašnjenja u izvođenju usluga, do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% vrijednosti usluga, za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti usluga koji su predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa, u protivnom Ugovorni organ će umanjiti fakturu za navedeni iznos.

## **POSLOVNA TAJNA**

### **Član 9.**

Strane su se sporazumjele da informacije, koje je druga strana označila povjerljivim, neće staviti na raspolaganje bilo kojoj trećoj strani niti da će koristiti povjerljive informacije druge strane u bilo koju drugu svrhu osim za implemenataciju ovog ugovora. Svaka strana se obavezuje da će poduzeti razumne korake kako bi osigurala da povjerljive informacije ne budu objelodanjene ili širene od alužbenika ili trećeg lica.

## **RASKID UGOVORA**

### **Član 10.**

Svaka od ugovornih strana može tražiti raskid ovog Ugovora. Zahtjev za raskid ovog Ugovora podnosi se u pisanoj formi, s tim da otkazni rok ne može biti kraći od 30 dana.

U slučaju raskida ugovora, ugovorne strane će izmiriti sve svoje obaveze nastale do dana raskida Ugovora, a prema važećim uslovima iz ugovora.

## **OSTALE ODREDBE**

### **Član 11.**

Za sve eventualne sporove koje ugovorne strane ne budu mogle riješiti sporazumno nadležan je sud u Sarajevu.

### **Član 12.**

Izmjene i dopune ovog Ugovora mogu se vršiti samo uz pismenu saglasnost ugovornih strana.

### **Član 13.**

Sastavni dio ovog Ugovora je ponuda Izvršioca usluga broj: 33 /19.

Član 14.

Ugovor stupa na snagu danom potpisivanja od strane obje ugovorne strane i traje do 26.07.2019. godine ili do datuma realizacije obaveza koje su predmet ovog ugovora.

**ZAVRŠNE ODREDBE**

Član 15.

Ugovor je sačinjen u 6 (šest) istovjetnih primjeraka i to 2 (dva) za Izvršioca a 4 (četiri) za Naručioca.

**MIDDLE POINT ELECTRONIC d.o.o.**  
**Direktorica**

**KJKP "RAD" d.o.o. Sarajevo**  
**V.d. direktorica**

---

Veledar Maida

---

Vera Arnautović, dipl.pravnik

Broj: 05-03-04-\_\_\_\_\_/19  
Dana: 27.07.2019. godine